

西

拓

圖

畧



聖主

重刻西招圖畧序
衛藏之地僻處極
特固什汗遣使進貢

達賴班禪 同尼魯

嘉其誠許之厥後藏地被準噶爾騷擾廓爾喀侵佔大兵進征悉臻底定番庶始得安枕席矣唯達賴班禪其性祇知誦經事佛於所屬疆域以教以養或未能因地制宜爰

西招圖畧序

欽命

大臣妥為經理減曠典也

湘圃相國持膺

茲任上體

天子之恩下悉衛藏之情著有西招圖畧一書
分為二十八條繪以圖說於山川形勢番漢
兵卡令人開卷了然而前招後招情性之殊
撫馭之法練習之方縷晰條分尤為切中昔
班定遠對任尚曰寬小過總大綱詎是過耶



皇上

余讀其書想見大君子作用非必有奇
策異能也嚴以律已恩以待人雖在蠻夷
亦知感知畏矣第其書日久漫漶因重鐫以
公同志則駐藏者使唐古忒與疆外諸蕃咸
同一家以仰副

一視同仁之至意豈不偉歎

道光二十七年孟秋月勉齋王師道謹識

西招圖畧序

二



西招圖略序

守邊之要忠信篤敬也而忠
信篤敬莫不本乎格致誠正
故格物所以窮理致知所以通
俗誠意所以不欺正心所以窒
私

西招圖略

欲忠信篤敬於是乎行以之
欽承

聖訓教以寬柔無分遐邇一皆羈
靡而向

化懷德是在修德也於修德者必

矜細行而國治者宜防未然因
書二十有八條以叙其事畧復
繪三圖以明其方輿名之曰西
招畧庶便於交代以代口述之
未盡者後之奉

西招圖畧

二

命駐藏君子其為有以發於予所
欲言而不及者尤厚望焉是為
序

嘉慶三年中秋日湘浦松筠識



西招圖畧目錄

吳門陸為柄重校訂

安邊

撫藩

戒怒

遏欲

抑強

除苛

厲俗

慎刑

綏遠

懷來

成才

述事

審隘

量敵

合操

行操

練兵

申律

制師

馭衆

堅陣

出奇

倡勇

善始

防微

謹勝

持志

守正



西招圖畧

安邊

安邊之策貴於審勢而行權蓋勢有彊弱彊甚而不已則折弱甚而不已則屈所以權之使其不至折與屈者威與惠也威惠施之得當則安失當則危譬之我既彊矣仍示以威則威竭而不振我既弱矣仍施以惠則惠褻而不德

西招圖畧

故處弱者利用威而處彊者利用惠惠宜公而含垢威宜慎而戒怒否則雖有殺人之威而下不懼雖有生人之惠而下不喜夫復何濟故宜審勢而行權宜威則威宜惠則惠然後仁以厲其俗

左傳仁以厲之所以厲風俗也

義以作其氣懲貪除

苛使知節用而愛人並教以誠敬示以忠信雖蠻夷可與知感知畏矣久之衆心我同則民胞物與之化成于時保

之小心翼翼固可永安樂利也若夫漢之任尚不聽定遠之言而僨事者尤宜深戒

後漢任尚代班超於西域超曰君性嚴急水清無大魚察政不

得下和宜蕩佚簡易寬小過總大綱而已超去後尚曰我謂班君當有奇策今所言平平耳尚後竟失邊和如超言

撫藩

藩之所以宜撫者羈縻而教之者也譬如衛藏達賴班禪亦藩也其性惟知誦經聞教至其屬下百姓如何教養素

西招圖畧

二

本未悉是故

聖皇欽派大臣駐藏為之教為之養所以安邊撫藩也撫也者循循導其為善也夫達賴班禪原以慈悲為本似不必導然其慈悲本釋氏之無為知為已而不知為政其屬下噶布倫僧俗營官第巴頭人或奇斂以致百姓散亡而不知若因其不知而率為詆斥則又非撫矣必宜推廣

皇仁以內地百姓平日如何教養遇有偏災如何賑恤使之聞之而後勸之嚴束營官安養百姓恤災散賑一切告示皆諭以

聖主皇仁及達賴班禪慈悲仍使百姓感彼之德則其欣然由我治理而無梗矣所謂納約自牖是必宜導者也達賴有噶布倫等官班禪僅有商卓特巴一人伊等或有逢迎於西招圖畧

三

我而蔑視達賴班禪者應即教誡無使達賴班禪寒心可期各寺僧衆悅服蓋其僧衆強勝多於百姓而百姓惟僧是敬且信故宜羈縻善撫而善教之所謂即以其人之道還治其人之身者此也

戒怒

夫心平則鮮有怒色無論漢番百姓皆宜循循撫導好言

以教之百姓知我善以與彼則必傾誠向善與我同心
氣也况外藩常恐為我笑其不諳中國儀制倘有不周而
見於怒則其黠者面從而怨結愚者面觸而恨生久之釀
成大事豈非由我之不能平心所致耶然其理之所應怒
者不可不怒也盖所怒在物固不在我果能志以率氣而
於應怒之事正色諭以是非於應怒之人平心責以罪過

西招圖畧

四

加之諄切告誡如父兄教誡子弟不使有傷恩義善言激
發其天良則無論智愚莫不惟命是從此不怒而威久之
則必畏威懷德矣豈獨蠻貊即以施之內地百姓尤易感
化也至於我之所理事務或有過失我之所用人役或有
犯科者切不可羞而為怒尤不可將錯就錯應張已過而
亟為正之斥之示以大公則惡者懲而善者勸人咸悅服

豈不美哉改過勿吝則吉懲忿窒慾則吉而又吉傳曰有所忿懣則不得其正平心之謂也

過欲

夫欲者貪也大凡蠻夷皆貪貨利故金玉珊瑚種種異物產焉此蓋天意也何則譬如中國為政仁育萬物義正萬民寶善而弗寶金玉是故中華鮮出異物而獨五穀蠶絲

西招圖畧

五

是產以養人之正氣惟萬國來王各獻厥貢祝

壽無疆而

聖皇厚往薄來所以柔遠人也若夫

欽差大臣固不可收受蠻家之獻而况欲其寶貨而貪取也蠻夷惟知寶其貨財而我欲貪取之無論彼心難舍敢怒而不敢言即其與矣或無厭而復索他寶雖云發價而不值

其貨或以進貢為言強取強買久之積忿必深變生必大
此皆縱欲所致起邊衅敗國事盖由於此臨時雖悔無及
欲之不過可乎夫縱欲者不仁之甚也非獨邊臣常宜過
欲即內地地方伯守令一有好財者則胥吏僕從比然陰謀
必藉端勒索富民倘不遂欲或誣以他事困於囹圄以辱
之由此或生意外之虞深可畏也傳曰不仁者以身發財

西招圖畧

六

余謂財未發而身已敗豈不惜哉欲之不過可乎至如西
藏達賴班禪以及屬下僧俗無不寶其古佛者若駐藏大
臣取之其必與也與則與矣然其難舍也亦如寶貨耳曰
古佛為衛藏之元氣取之則必有損於彼夫如是又何必
取之失其向慕之心况或為其所怨耶取彼之怨由我之
欲余故曰欲之不過不可也

抑強

夫強者不抑則弱者無所措手足固非久安之道也藏地相沿世家最貴布施以獻達賴班禪藉勢以殘卑下蕃衆至於遣人邊地貿易往還所需背夫馱牛以及食物草料皆出於百姓而毫不與值此蓋達賴班禪不知蕃庶疾苦率與噶舒克即印照之所致也今雖嚴禁第恐日久弊生仍

西招圖畧

七

蹈故轍固宜隨時開導使達賴班禪深悉百姓疾苦使世家大族戒貪各守本分則庶乎久安也戒貪有道自上率之而已若夫駐藏大臣及文武官員弗克自戒而欲戒其世家之貪弗能也必自上率以儉素嚴束僕從克已省費所屬文武以及兵役毫無擾累蕃民而後世家大族孰不戒貪而守分耶余故曰自上率之而已

除苛

除苛所以甦民也甦民所以安邦也故駐藏大臣每年巡閱藉以省斂安民法至善也蓋班禪所屬疆域有限民地無多不過札什倫布周匝耳至達賴喇嘛所屬東北有哈喇烏蘇西北有阿里薩喀東南有錯納工布江達拉里碩板多洛隆宗江卡西南有濟隴聶拉木絨轄喀達定結干

西招圖略

八

壩帕克哩此皆藏屬邊地或當大路而差賦日增逃亡日衆即如濟隴內瓊堆一村原有百姓五十餘戶今止八戶而每年仍迫以原戶差賦其薩喀一屬原有百姓一千餘戶今止三百而亦以原戶迫索差賦在在如此民不堪命久矣前因達賴班禪蠲免番民錢糧具奏仰蒙

聖恩賞銀撫恤

乾隆乙卯既經達賴班禪蠲免

邊氓乃得復甦

錢糧復蒙

恩賞銀兩撫恤

然其司事頭目貪饕性成如不善為治理雖歲歲恤賞亦不能拯救其民於是乎為之除苛為之減費有案可稽數年來民生庶幾矣惟其司事僧俗不得漁利久而或復藉詞苛斂固宜隨時審察以期蕃民永安樂利而本固邦綏也

厲俗

夫神道設教仁以成俗故仁以厲之所以厲風俗也無論

西招圖畧

九

遐方內地各有所尚譬如衛藏俗尚黃教不過因其教而教之俾僧俗相安而已若夫內地牧守令長承宣教化者貴能扇之以淳風浸之以太和被之以道德示之以樸素使百姓疊疊日遷於善邪偽之心嗜欲之性潛以消化而不知其所以然而後教之以孝悌使民慈愛教之以仁順使民和睦教之以禮義使民敬讓知慈愛則不遺其親知

和睦則無怨於人知敬讓則不競於事三者誠為厲俗之
要道其牧守令長未仕之先讀書稽古莫不盡曉三者之
要而既仕之後循循力行凡所以移風易俗還淳返素無
不由此要道也至於蠻貊尤為易治果能推恩示信格之
以誠則必惟命是從更羈縻而教之咸使畏威懷德互相
和睦而已一切服色儀制固不必責令盡如內地本其俗
西招圖畧

十

而厲以樸素矢恭矢順可也

慎刑

夫人受陰陽之氣以生有情有性性無不善而情有惡焉
情之惡即欲也欲動則情勝不知自懲自戒故犯者不繩
以法橫流不止然則用法固宜慎焉必治獄之官精心悉
意推究事源先之以五聽參之以正驗如睹情狀使姦無

所容然後隨事加刑輕重悉當赦過矜愚得情勿喜故易
中孚象曰君子以議獄緩死所以審求其情務加矜恤也
若夫西招因佛治獄俗尚姑息雖近矜恤而義有未協故
定例唐古忒命盜案件情有可原者准照夷例核辦命罰價
其與漢人及外夷遠來貿易之人互相鬪殺等事則盡處
以律所謂噬嗑而亨明罰勅法者此也然邊地為羈縻之

西招圖畧

十一

所能行權方能達變固非姑息推量事之輕重慎刑而適
其宜則可耳蓋刑之宜慎非獨邊地即內地固嘗慎焉凡
監司守令一有殘酷無不痛懲以法仰見

聖主恤刑慎之自上而司刑內外臣工無不仰承

聖主體天好生之德慎而又慎所謂議獄緩死者此也蓋殘酷
者非好殺人也但云為吏雖酷可免後患此則情存自便

不念至公奉法如此隨懼重典試問其後患何如耶况人為天地之貴物一死不可復生凡伐木殺草田獵稍不順時即虧天道而刑罰不中傷天心犯和氣莫此為甚可無慎乎

綏遠

荒服宜綏而綏之之道貴在羈縻得中而又本乎自治譬

西招圖畧

十二

如衛箴迤西有廓爾喀即荒服也其界連濟隴聶拉木而旁通絨轄喀達定結諸隘是故境內常宜自治必使蕃民休養生息一無蕩析離居之患則荒服遠夷莫不傾誠內向而聽命矣既已聽命亟宜綏懷以結其心每遇朝貢之年款待自有定例若其平時遣人來箴請安微獻方物自應收受加倍酬答酌量賞其來人以仰副

主一視同仁至意如駐藏大臣巡邊伊或得信遣人於界上
請安尤宜嘉其悃忱而優為酬答假以詞色而推誠撫綏
倘有懇訴小則隨事羈縻以化其貪大則奏請檄諭以杜
其漸至於我之邊民或有貪利欺凌外夷者必應訊明奏
請嚴懲以示大公則彼心感服所謂綏遠者蓋不出此然
酬答一切亦不可過過則近安安則或致輕視而有失威
西招圖畧

十三

重所關非細總之夷性多貪近之不遜遠之則怨余故曰
貴在羈縻得中也

懷來

來者安之謂之懷所以勞其遠而慰其誠也衛藏達賴班
禪本黃教之大宗為內札薩克六盟外札薩克四部及部
爾伯特土爾扈特青海各蒙古世所欽奉

六盟曰哲哩木
曰卓索圖曰招

烏達曰錫林果勒曰烏蘭察布曰伊克招四部曰土謝圖汗曰車臣汗曰札薩克圖汗曰三音諾彥以上各蒙古遊牧疆界畧見絃服圖 而達賴班禪自崇德七年遣使恭進丹書克於

盛京以來各蒙古益加敬信或遣人布施熬茶或遣僧駐藏學藝年年來之絡繹是駐藏大臣所應指導達賴班禪推誠款待以示慰勞者也至於藏地邊外如近阿哩之拉達克汗部又庫諾汗部又近宗喀之落敏湯部又近帕克哩

西招圖畧

十四

之布魯克巴部亦嘗遣使與達賴班禪通好並與駐藏大臣請安是應面見來使慰勞獎賞可使為我邊地保障又有巴勒布及卡契回衆常來藏地貿易其有早年來藏安家以貿易為業者是應嚴束僕從及漢番兵役不得稍有擾累至藏地東北一帶有三十九族雖夷情部郎專轄而統轄者駐藏大臣也事無大小必宜面詢實情教之撫之

以期久安也此外尚有郭洛克德爾格乍了等等番部亦嘗來歲瞻禮藉以貿易皆宜隨事撫綏教之恭順可期相安也第恐不懷不來與歲地有礙是故述而誌其概焉

成才

夫為治者本乎得人欲得人則必以成就人才為急務人才不足雖有良法無與行之矣譬如唐古忒性雖蠻夷然

西招圖畧

十五

其良知無不向上豈其諸人一皆甘為小人哉亦在乎甄陶成就之如何耳故易中孚之指蓋謂上巽則下必悅從是信及豚魚者也况唐古忒久沐

皇仁易於成就蓋成就之道有四其性本多敬佛則我率以敬禮而好言教以福善禍淫之理俾知過欲乃克恒得佛保此其一也其俗本多粗陋則我率以樸素而好言諭以節

用愛人之善俾知儉約始能福遺子孫此其二也其地本
多無告則應勤以稽訪而好言勸令蠲緩俾知佛地尤宜
休養否則恐致朝佛人衆恥笑此其三也其兵本多怯懦
則應厲以勇敢而好言論令操演俾知邊防不可疎懈否
則恐致疆外各部輕視此其四也四者既明我心獲矣鼓
之舞之因才器使而我之良法使之推行則庶乎其不差
西招圖畧

六

矣如有貪暴者必宜懲治而不為已甚切不可發其陰私
尤宜恕其小過諄諄如家人父子善為開導予以自新則
其良知豈有不若豚魚者哉余故曰人才易於成就也是
在為政者得人以教之耳

述事

夫處一方宜悉一方故事述而書之便覽焉自

國朝崇德七年達賴班禪同厄魯特固什汗遣使進貢以來
事蹟無不載在典籍夫復何述然典籍在朝而不在藏今
唐古忒久安其老者既稀少者無聞而

聖朝覆育之德日久不可不知也昔固什汗之曾孫拉藏汗既
被準噶爾策旺喇布坦遣兵戕害藏地幾為準部強佔康
熙五十九年撫遠大將軍王統師同平逆將軍延信由西
西招圖畧

十七

寧進征底定西藏以達賴喇嘛之呼畢勒罕坐床於布達
拉山此

覆育之德一也時拉藏汗之婿康濟鼐有功得封貝勒復被噶
布倫阿爾布巴等所害雍正五年大兵誅滅阿爾布巴等
藏地復安此

覆育之德二也時頗羅鼐有功屢封郡王及卒其次子珠爾墨

特那木札勒襲封後茂視達賴而苦害百姓於乾隆十五年謀逆伏誅奉

旨除西藏王爵一切事務由駐藏大臣與達賴班禪相協裁決於是藏地綏定此

覆育之德三也時藏地常恐準部騷擾番庶不安枕席後經大兵蕩平準部藏地乃得永安而兩次大兵平定廓爾喀為

西招圖畧

十六

之練兵設備賑撫黎庶似此

覆育之德不啻再造是達賴班禪唐古忒僧俗各宜深悉而不忘亦在乎

欽差善言提撕警省也

審隘

守邊之術宜乎審隘繪圖使各汛官兵熟悉道里阨塞方

於緩急有益譬如藏地從前因防準噶爾侵犯故自前藏
東北哈喇烏蘇直至西北極邊阿里一帶三千餘里原有
卡防其後仰賴

天威剿滅準部廼除邊患今卡防久撤無庸備述至若西南有
薩喀有濟龍有聶拉木有絨轄有喀達有定結有干壩有
帕克哩一帶既為沿邊阨塞皆宜審辨詳識也聶拉木內

西招圖畧

十九

有定日汎守備一員統領漢番弁兵鎮守自定日三站至
聶拉木中隔通拉大山阨塞天然定日西八站至濟龍計
有莽噶布堆官寨洋阿拉山鞏塘拉山宗喀城靈瓦昌峽
察木卡山梁招提壁壘邦馨亦皆天然阨要定日西南距
絨轄四站中有山峽崎嶇僅容一騎又由定日西南入山
走札什宗隆邁三站至喀達邊隘

在絨轄
迤東

中多阨險定日

西北遙通薩喀遊牧界連阿哩此定日以外之形勢也定日以內兩站至協噶爾官寨是為大路官寨迤西數里岩峽聯絡一名羅哩一名果瓊拉實為協噶爾屏障協噶爾迤南亦通喀達僅四站路狹更有吉拉大山東南經春堆瑪布甲仲烏拉山直抵薩迦廟巴勒布卡契等貿易往復經此是為通衢協噶爾以內兩站至甲錯大山中有羅羅塘汎大

西招圖畧

二十

山迤西地名拉固隆固其西北越一大山係唐古忒世家波絨已游牧東連洋阿拉西接鞏塘拉毗連薩喀東界其甲錯本為天險且有瘴氣內抵拉孜僅一站拉孜東南兩站至薩迦坦路拉孜西北十站至宗喀沿途多險拉孜以內五站至後藏札什倫布沿途險隘有四自西而東一曰科頗拉一曰日東巴一曰彭錯嶺一曰格登山峽因於彭錯

嶺東岩道築卡為隘此後藏迤西直抵拉攷之右路亦通

衢也自格登山峽西南直抵拉攷之捷徑中有珠鄂龍山

峽僅容一騎是為中路最為險要因於珠鄂龍築卡為隘

自札什倫布西走那爾湯越達克拉平山

山離札什倫布六十餘里儘可

設伏為後招保障

至崗堅喇嘛寺分路西南過朗拉山

此後招重門保障今

仿八陣之法於巔頭堆立鄂博六十有四

經察龍蠻寨曲多江鞏阿尼鞏三處

西招圖畧

十一

卡隘過阿仲拉大山轉西即至薩迦是為左路即貿易通

衢薩迦西南亦通喀達邊隘

係由瑪布甲春堆宜霞爾楚固爾隆邁等處共五站至喀

達自喀達沿邊東行四日可達定結邊隘自札什倫布經

那爾湯對面入南山走仁津孜塔克及拉固隆固

此一帶九山九

溝險隘頻仍

共行四日至定結而札什倫布東九十里有白朗

官寨此寨東南入山經堆瓊官寨金谷爾拉等山

金谷爾拉一帶

皆為
扼要

走錯莫志通海子南岸共行六日至定結由定結東

行一站至于壩又東三站至帕克哩

帕克哩本名那木結
噶爾布不產稞麥

是為藏地南界此外東接布魯克巴所屬巴珠布拉小部而西南毗連哲孟雄部哲孟雄人民雖大半已被廓爾喀侵佔然其部中有大河名藏曲所有河北百餘戶仍能保護部長依河據險堅守自固蓋藏曲水深溜急難度源自

西招圖畧

三

喀達一帶眾水滙流至布魯克巴界而南入噶里噶達部唐古忒謂南界有水城無庸戍多兵是為邊外阨塞帕克哩以內四站至江孜沿途多有阨塞

由江孜至康瑪爾一帶有連山叢石自康

瑪爾逆南間有山峽而帕克哩東西
南三面皆山北有海子名薩木錯

江孜亦設守備統領

漢番弁兵鎮守所有定日江孜二汛皆屬後藏都司統轄自前歲西南行七日共六百餘里至江孜而西過白朗共

行二百餘里乃至札什倫布此前巖直達後巖之正路至沿途阨塞自前巖起有曲水有巴則有春堆皆在江孜以內而江孜迤東有錯納有工布均為前巖南界邊隘前巖有通札什倫布捷徑係由巴則山陽西北經行仁本山溝較之正路可近兩站尚有北道由札什倫布東北渡江走陽巴井游牧共十站即抵前招路程與正路相等險有德

西招圖畧

三三

慶東山岩道有巴布賴長嶺有瑪爾江有喇湯皆為阨要如由陽巴井東北行三站可抵達木蒙古游牧自此東北一帶毗連三十九族游牧而正東緊接哈喇烏蘓直達西寧均係草地由哈喇烏蘓轉向西南過呼徵經達隆共行九站可抵前招中有阨塞不甚險要此衛巖圍圓大槩僅述要隘繪圖以示汛官以重操防也

所有各路程站均為分別附錄於後

量敵

量敵所以慎防也衛藏番兵雖多怯懦如使其盡知敵勢而備悉戰守之要豈其怯懦不為勇敢耶自

天兵平定準部以來衛藏武備偃然且久不知恤民以致寇至而無措此即偃兵累民之大害也今之所謂敵者廓爾喀也蓋其俗也暴其性也貪恃其强悍而不修德然強者怨

西招圖畧

十四

之歸也弱者德之助也天道福善禍淫似此強暴何可久耶其勢如此夫復何畏其於戊申辛亥兩次入寇者徵幸耳今藏地休養邊氓為之屏障訓練番兵為之武備廓爾喀雖強胡敢輕入耶况帕克哩定結邊外之哲孟雄部宗木部薩喀宗喀界外之作木朗部落敏湯部雖被廓爾喀強佔然人心未服俱不無恢復之志倘廓爾喀仍前不軌

即一面堵剿一面飛檄哲孟雄等部令其各復舊業彼必奮然從命則廓爾喀內潰首尾不能兼顧我兵剿辦固為易易然武備不可不講於平素而所設番兵尤宜勤加教練也衛藏四汛共設漢兵六百六十名內除旗鼓塘遞及各行匠役其能戰鬥者約有五百所設番兵三千除旗鼓守隘各行匠役其能戰鬥者約有二千五百

定日番兵內出防者共一

西招圖畧

二十五

百二十五名定琫五名卡防有五曰宗喀曰察木達曰杏嶺曰古拉噶木仲曰霞多爾每卡定琫一名番兵二十五名後藏番兵內出防者共一百八十五名定琫七名卡防七名惟那克藏一處住定琫一名番兵三十五名其餘六處曰薩喀曰喀達曰定結曰千壩曰春堆瑪布甲曰薩迦每卡定琫一名番兵二十五名

四汛統領遊

擊一員都司一員守備三員千把外委十一員名唐古忒領兵戴琫六員如琫十二名隊長甲琫二十四名隊目定琫百二十名儘足調遣是例操之外尤應教以合操行操

禦敵破敵之術尚有達木蒙古騎兵五百

有馬可備緩急平時切莫調用

亦應嚴行操演

今著每年秋輪調入十名來歲入隊操演

方不至如前挫折

辛亥

年曾派達木兵於薩迦溝枕禦大有挫折實因不教所致

譬如敵自濟隴聶拉木定結

三路入寇其每路不過千數我兵儘可以逸待勞蓋謂強

敵者唐古忒怯懦之設敵跣足著履而行豈其不知深入

無援而無糧以為畏懼耶

廓爾喀本不耐寒嚮者兩次入寇皆在夏月若至仲秋則無能

西招圖畧

三六

為矣故辛亥年伊之入寇者遁回約有二千人經過喀達之霞烏拉山遇雪凍死者千四五百其得回巢者僅有數百即此可知其冬春弗敢入也

果其深入是定結最近則江孜守備遣戴

琿同軍功等帶兵由定結左路汪甸

小堆瓊大路

入去邀擊

其後而後藏都司遣戴琿一員同把總軍功等由那爾湯

入南山經仁津孜塔克直抵拉岡隆固極西之喀木巴拉

山梁堵截或敵僅在定結而我兵即由多布札走錯莫志

通海子西岸夜越定結東山先以火彈燒賊營壘繼之以鎗而預約江孜所發之兵乘勢邀擊則敵敗必矣其由濟隴聶拉木入者必經協噶爾走薩迦來撲後招著後招都司即派如琇三名同軍功等帶領鎗手番兵數百名由左路朗拉山入於曲多江鞏阿尼鞏三處卡隘分紮堵禦又於朗拉山石堆八陣霧按堆揀旗伏設大砲其達克拉山

西招圖畧

二十七

左右兩巖亦令伏設大砲並著江孜守備住守後招而後招都司應即帶兵多携火彈由甲錯大路前往協噶爾與

定日守備相協設伏夾擊之

可於琇褚河橋或羅哩及果瓊拉山埋伏如敵已至薩迦

則我兵應由拉孜入向薩迦廟以搗其後再調唐古忒仲科爾頓設鄉兵數千名撥弁督領分路助勢因險伏擊之敵其奔所有彭錯嶺右隘珠鄂隴中隘最為險固量敵不敢遲入即或其入則我兵可由花寨子西之格登山峽堵

敵必矣

截最易得手惟定日一汛西南捍禦聶拉木正西捍禦濟
隴如兩路寇入定日守備可暫堅守本汛及塘遞不時飛
稟情形聽候調遣夫敵之入也行走罔能迅速且我有備
豈其不知耶况一有警則駐藏大臣一面具奏一面祭告
山川社稷帶領前藏官兵馳往而即檄詢該王責以悖逆
不法且檄飭哲孟雄作木朗等部令其乘敵內虛往攻之

西招圖畧

二十八

則其無能為矣譬如敵既奔遁則我兵即由濟隴聶拉木
兩路而進其聶拉木道路雖險若於八九月秋高之際進
兵較比濟隴道路尤易且近蓋兵在精而不在多總之權
變在我量敵之勢運心之妙不戰且勝而况戰乎

糧糗詳見善始

合操

夫太平蓄銳固宜專技練習例操之外務須一律合操武

備庶不虛設也所謂專技者有神火連環有九子火彈有馬射步射有滾牌刀矛有執燾者有背旗者視兵之力各專一技而散操之既熟則號令施焉所謂號令者中軍揮旗繼以信炮齊以海螺鼓以進之鉦以止之此坐作進退之令也既悉則使知先後而教焉蓋騎兵宜隨帥燾而聽令必先之以神火炮响三聲齊打進步連環鉦鳴而止隨

西招圖畧

三九

吹海螺而持火彈者發喊哭前施之既畢聽鉦而退隨即擊柝步箭齊發鉦鳴而稍退鼓响則滾牌刀矛喊聲躍出隨响排鎗各展技能繼吹海螺所有九子連環神火由兩翼飛出而列之號炮三聲則衆鎗齊發遂成圓陣合圍得勝中軍揮旗樂奏凱歌各行因鉦隨燾徐徐撤歸麾下隊長齊聲報捷此太平蓄銳有制之軍堪稱武備也

